

Cazin info

INFO BILTEN OPĆINE CAZIN

Godina 2009 / August / Broj 2



*Nova
šalter
sala
općine
Cazin*



I Iz kabineta načelnika

Načelnik Livna u posjeti općini Cazin

U službenoj posjeti općini Cazin boravio je načelnik Livna gospodin Luka Čelan sa svojim suradnicima. Ovo je još jedan u nizu kontakata na razini lokalnih zajednica, čiji je cilj razmjena iskustava, ali i povezivanje na privrednom, kulturnom, sportskom i drugim područjima.

Načelnik Ogršević je, nakon kraćeg predstavljanja potencijala općine Cazin, naglasio dobre rezultate i pozitivno iskustvo u suradnji dvije općine kroz realizaciju projekata iz oblasti vodosnabdijevanja. "U budućnosti planiramo intenzivirati međuregionalnu suradnju apliciranjem projekata prema predpristupnim fondovima EU", riječi su načelnika Ogrševića.

Najvažnije dodirne tačke Cazina i Livna jesu infrastrukturni projekti, posebno deponovanje otpada i vodovod. "Trenutno se nalazimo u fazi pripreme projekta za izgradnju deponije koja će povezivati tri susjedne općine u Livanjskom kantonu, a iskustva općine Cazin u tom sektoru nam mogu biti vrlo korisna", izjavio je načelnik Livna, Luka Čelan.



Riječ načelnika



Dragi sugrađani,

Pred vama je novi Bilten općine Cazin koji predstavlja osvrt na glavne aktivnosti općinskog načelnika i organa uprave općine Cazin, javnih preduzeća i javnih ustanova u protekla 3 mjeseca.

Na naše veliko zadovoljstvo, Bilten je naišao na odobravanje velikog broja građana i posjetilaca općine Cazin. Želja nam je da se pozitivan trend informisanja nastavi i u narednom periodu.

Sa druge strane, nije slučajno da je ovaj broj ugledao svjetlo dana u mjesecu i danima u kojima obilježavamo i "Dan općine" Cazin, čime koristim priliku da svim građanima čestitam rodendan našeg grada uz želje i nade da će Cazin nastaviti uzlaznom putanjom u razvojnom smislu i da ćemo zajednički implamentirati sve planirane projekte.

Dodijeljene stipendije mladim sportistima



U kabinetu načelnika općine potpisani su ugovori za dodjelu stipendija najuspješnijim mladim sportistima na području naše općine. Deset stipendija dodijeljeno je učenicima u dobi od 14 do 18 godina s ciljem da se dodatno podstaknu na kontinuirano bavljenje sportom.

"Želja nam je izgraditi kvalitetne i uspješne sportiste koji će braniti boje naših klubova i biti ponos naše općine. Ovim projektom želimo pokazati da je sport jedan od prioriteta općine u njenim strateškim planovima, što pokazuje i činjenica da se u sport i sportske aktivnosti izdvaja preko 500.000,00 KM", istaknuo je načelnik Ogršević nakon čestitki upućenih mladim sportistima.

Ove godine učešće u programu stipendiranja osigurali su: Isak Abdagić, Admir Čoralić, Ajna i Ajla Topić, Sedina Durdžić, Dijana Burzić, Aladin Šišić, Sadil Mesić, Bajrama Kličić i Fahrudin Šepić. Prema navodima predsjednika Sportskog saveza Emira Dautovića, ovakvi projekti će biti nastavljeni i u narednom periodu, u kojem će biti uključeni i stariji uzrasti. Općina Cazin i Sportski savez čestitaju sretnim dobitnicima i žele im puno uspjeha u daljim takmičenjima.



Pedeset deveta godišnjica Cazinske bune

U kabinetu načelnika općine održan je sastanak povodom inicijative o formiranju Organizacionog odbora za obilježavanje 60. godišnjice Cazinske bune. Sastanku su prisustvovali Ahmed Čović i Stevo Božić, sin i unuk učesnika bune Ale Čovića i Milana Božića, zatim direktor Arhiva USK Midžić Fikret i autorica istoimenog djela Vera Kržišnik Bukić, kao i mnogi drugi gosti.

Cilj ovog susreta jeste uspostavljanje naučnog i sistematskog pristupa u rasvjetljavanju ovog događaja. "Ono što je prioritet za ove prostore jeste pokretanje pitanja rehabilitacije žrtava ovog procesa, ali i prostora na kojem se dešavala buna. Iznimno je važno presjeći liniju tabua oko ovakvih

i sličnih procesa u našoj prošlosti, organizirati kontinuitet u naučnom radu, efikasnom pristupu problemu i tehničkoj podršci, što je svakako od iznimne važnosti za općinu Cazin i njene građane", riječi su načelnika Ogřeševića.

Autorica djela "Cazinska buna" naglasila je važnost kultivizacije sjećanja na ovaj događaj i njenog intenziviranja u dva oblika: trajnijem (spomen-obilježje, godišnjice bune) i nekom kratkoročnijem (naučni skupovi, izložbe slika, dokumentarni filmovi i sl.). "Ovi prostori se s ponosom trebaju sjećati prve seljačke bune u socijalizmu", naglasila je Vera Kržišnik Bukić.



Također je važno naglasiti da je Arhiv USK aktivno uključen u proces prikupljanja građe vezane za aktivnosti koje su se dešavale tokom ovog procesa, ali i neposredno prije njega. Tim povodom, Arhiv USK u narednom prirodu priprema zbornik dokumenata u vezi sa Cazinskom bunom, a prikupljeni su sa prostora cijele bivše Jugoslavije.

Na kraju je u čast 59. godišnjice Cazinske bune, zaključeno da će u narednom periodu biti formiran ekspertni tim za organizaciju obilježavanja 60. godišnjice ovog događaja.

Studijsko putovanje u Cazin



Ekipa zajedničkog postdiplomskog studija "Menadžment u razvoju lokalne zajednice" koji organiziraju Ekonomski fakultet i Fakultet političkih nauka u Sarajevu boravila je u Cazinu. Povod ove posjete jeste upoznavanje sa razvojnim elementima jedne lokalne zajednice i njenim sistemom uprave.

U okviru ovog programa upriličen je i susret sa načelnikom Ogrješevićem, čime su studenti imali priliku za direktan razgovor o razvojnim planovima općine Cazin u budućnosti. Iskoristili su i priliku za razgledavanje starog grada Cazina, Kule na Ostrošcu i novog centra za pružanje usluga građanima u organu uprave općine Cazin.

Studenti su zahvalili na gostoprimstvu načelniku Ogrješeviću, ne krijući zadovoljstvo svim ljepotama Cazina koje su imali priliku vidjeti tokom ove kratke posjete, ali i ljudima koji su im pružili priliku da u svoje nove radne planove unesu jedno nezaboravno iskustvo i već precizirane oblike suradnje sa pojedinim ustanovama naše općine.




Šahovsko prvenstvo F BiH u Cazinu

U sjeni odigravanja XVI šahovskog prvenstva F BiH, 30.06.2009. godine općinski načelnik je u kabinetu primio predstavnike Šahovskog saveza F BiH.

Pored predsjednika ŠS FBiH Muhameda Pašića u delegaciji su bili Kemal Osmanović, selektor šahovske reprezentacije BiH, i Edham Duraković, direktor XVI šahovskog prvenstva, dok su također u svojstvu domaćina prijemu prisustvovali i predsjednik SS općine Cazin Emir Dautović i predsjednik ŠK "Cazin" Husnija Abdić.

Gosti su izrazili zadovoljstvo dosadašnjim tokom takmičenja, kao i samom organizacijom, s obzirom na to da se radi o najmasovnijem takmičenju u BiH. Posebna tema razgovora bili su mladi šahisti iz Cazina, odnosno članovi Šahovskog omladinskog kluba "Dama" iz Cazina za koje predsjednik ŠS F BiH Muhamed Pašić kaže: "Kadetska reprezentacija Cazina jača je od kadetske reprezentacije F BiH i tom uzrastu treba posvetiti posebnu pažnju, jer to je perspektiva BH šaha."

S druge strane, općinski načelnik izrazio je svoje zadovoljstvo što se jedan takav sportski događaj dešava na području općine Cazin, jer je to prilika da nekoliko stotina ljudi upozna ovaj kraj i na kraju dodao: "Ovo je također i priznanje našim šahistima koji postižu zapažene rezultate, a na nama je obaveza da u narednom periodu i dalje pomažemo uspješne da se razvijaju, a, nadamo se, i dalje postižu dobre rezultate na raznim takmičenjima."



Cazinski penzioneri kod načelnika

Općinski načelnik održao je radni sastanak sa predstavnicima Udruženja penzionera općine Cazin, na čelu sa predsjednikom Bajrom Mahmutovićem.

Cilj sastanka jeste informisanje općinskog načelnika sa stanjem u oblasti ostvarivanja njihovih prava u vremenu u kojem su penzioneri suočeni sa problemima oko neujednačenih isplata i visine penzije, neisplaćenih razlika iz ranijeg perioda, problemima zdravstvene zaštite, dugovanjima Vlade FBiH prema penzionom fondu, itd.

Predstavnici penzionera izrazili su svoje zadovoljstvo održavanjem ovog sastanka i odnosom općine prema udruženju u proteklom periodu, ali se osjećaju odbačenim od strane viših nivoa. Najveći problemi su socijalne prirode, za koje i oni sami izdavaju značajna sredstva svake godine, iako su ta sredstva nedovoljna. Naglasili su da je ovo udruženje u organizacijskom smislu napravilo poboljšanja, što se vidi od uređenja prostorija udruženja, pa do raznih vidova pomoći koje se pružaju članstvu u obliku nabavke ogrjevnog drveta, zdravstvenih usluga, pomoći pri ukopu umrlih i dr.



“Naša je dužnost pomoći ovoj populaciji, koja spada među najugroženije u našem društvu, kako bismo učinili sve da ti ljudi penzionerske dane provedu što je moguće bolje. Nemamo uticaja na neke stvari koje se dešavaju na višim nivoima, ali ćemo pružiti punu podršku penzionerima u ostvarivanju njihovih prava”, naglasio je načelnik Ogrješević na kraju susreta.

Načelnik ugostio rukometnog reprezentativca BiH



Nakon što je sa danskim Koldingom osvojio 12. po redu prvenstvo, Muhamed Toromanović došao je na odmor u svoj rodni Cazin. Tim povodom upriličen je susret u kabinetu načelnika kojem su prisustvovali i članovi uprave MRK “Krajina” i Sportskog saveza općine Cazin.

Nekadašnji igrač MRK “Krajina”, u toku odlaska na studij u Sarajevo prešao je u najtrofejniji klub BiH, RK “Bosna” Sarajevo. Uspjeh koji je ostvario rezultirao je njegovim prelaskom u “Kolding”, sa kojim je

potpisao ugovor na tri godine. Ovaj potpis stigao je kao nagrada za sjajne igre na poziciji pivota u Bosni LO, ali i u reprezentaciji Bosne i Hercegovine za koju je debitovao sa 18 godina. Ovakav ishod bio je i očekivan za sve koji su poznavali njegovu predanost rukometu, uloženom trudu i odgoju koji se u njegovoj porodici odvijao upravo u duhu sporta.

“Ulaganje u sport kao aktivnost koja oplemenjuje omladinu jeste jedan od prioritarnih ciljeva ove administracije. I ove godine izdvajamo značajna sredstva za sportske kolektive, manifestacije, a također su planirana i ulaganja u sportsku infrastrukturu. Velika je čast i zadovoljstvo proizvesti sportske prvake, imati svoje predstavnike na značajnim takmičenjima i biti prepoznat u svijetu po sportskim rezultatima”, riječi su načelnika Ogrješevića koje je uputio Muhamedu kao ohrabrenje za nastavak njegovog angažmana u elitnim takmičenjima širom Evrope.

Naš reprezentativac bio je ugodno iznenađen i zahvalan na upriličenom dočeku, te je ovom prilikom obećao da će uložiti dodatni napor kako bi se angažovao u jačanju cazinskog sporta i profiliranju omladine u tom pravcu.



Nadarević u posjeti načelniku Ogriševiću

Nogometna zvijezda i ponos našeg kraja Safet Nadarević boravio je u posjeti rodnom kraju i tom prilikom posjetio i načelnika Ogriševića. Bila je ovo prilika da se zajednički prisjete početka karijere našeg reprezentativca i osvrnu na izvrsne rezultate koje je

postigao ovaj mladi, odbrambeni igrač turskog Eskisehirspora.

Safet je izrazio veliku zahvalnost na upriličenom dočeku i prijateljskoj atmosferi. "Hvala svima na lijepim riječima dobrodošlice, hvala načelniku na iskrenom razgovoru i nadam se da će naš sport u narednom periodu dati još bolje igrače i timove, a mi ćemo svakako nastojati zajednički da im pomognemo", riječi su našeg prvotimca u redovima Ćirinih momaka. Ovo je još jedan dokaz da naša uspješna omladina ne zaboravlja svoj rodni kraj.

Podsjećanja radi, Nadarević je svoju karijeru započeo u FK "Krajina", nastavio igrati za NK "Jedinstvo" u Bihaću, zatim je godinu dana igrao za FK "Sarajevo", odakle je otišao u NK "Zagreb" na period od tri godine. Prošle godine potpisao je trogodišnji ugovor sa turskim Eskisehirsporom. Nadamo se da će ovaj ugovor Safetu omogućiti još uspješniju karijeru na ponos cijele Krajine, a naročito Cazina.





Učenici generacije na prijemu kod načelnika

Kao nagrada za postignute rezultate, učenicima generacije osnovnih i srednjih škola općine Cazin, upriličen je prijem u kabinetu načelnika za 15 mladih cazinskih talenata. Riječ je o tradicionalnom nagrađivanju najboljih učenika na području naše općine i upoznavanju sa njihovim budućim planovima.

“Ulaganje u obrazovanje najbolja je investicija za svakog čovjeka, a samim tim i za politiku razvoja i prosperiteta jedne općine. Nadam se da će ova djeca postići velike uspjehe u životu i radu na zadovoljstvo svih nas”, izjavio je načelnik Ogřešević.

Učenici su, osim 200,00 KM novčanih nagrada, dobili i prigodan poklon, kao uspomenu na općinu Cazin i njihov prvi susret sa načelnikom Ogřeševićem.

Ovom prilikom su nagrađeni: Dženana Velić (Medresa “Džemaludin ef. Čaušević”), Edina Osmančević (JU Gimnazija), Selma Baltić (JU I Srednja škola), Aida Mehagić (JU II Srednja škola), Maida Beganović (JU OŠ Pećigrad), Adnan Kličić (JU OŠ Cazin I), Sebina Kukić (JU OŠ Tržačka

Raštela), Emina Muhić (JU OŠ Skokovi), Muhamed Malić (JU OŠ Stijena), Jasin Hodžić (JU OŠ Donja Koprivna), Jasmina Jušić (JU OŠ Ćoralici), Dino Samardžić (JU OŠ Cazin II), Sejman Đogić (JU OŠ Liskovac), Edna Trčić (JU OŠ Šturlić) i Aldijana Čehajić (JU OŠ Ostrožac).

Formirana ženska ekipa SSRI općine Cazin

Novoformirana ženska ekipa Saveza za sport i rekreaciju invalida bila je u posjeti načelniku općine Cazin. Ova selekcija formirana je prije nekoliko mjeseci u cilju potrebe da se ženskim invalidnim osobama omogući bavljenje sportskim aktivnostima. Za sada ova ekipa broji četiri člana i već ostvaruje zavidne rezultate na raznim takmičenjima. Fata Salkić, jedna od članica, nakon samo tri dana bavljenja streljaštvom, osvojila je drugo mjesto na kantonalnom takmičenju u Sanskom Mostu.

Načelnik Ogřešević izrazio je spremnost da pomogne ovaj program kao i planirane aktivnosti i takmičenja nove ekipe. “Ovakve inicijative omogućuju socijalizaciju invalidnim licima, što je obaveza svake moderne zajednice koja nastoji uključiti građane u dešavanja i projekte na lokalnom nivou”, istaknuo je načelnik općine.



Svečano u zaseocima Ahmetaševići, Rošići i Sarkići

U subotu, 27.06.2009. godine, svečano je otvoren put u zaseocima Ahmetaševići, Rošići i Sarkići, u MZ Pećigrad.

Naime, dužina puta od 1.500 m i širine 4 metra kojim su ova naselja povezana sa centrom mjesne zajednice znači dodatno poboljšavanje uslova življenja na ovom području, naglasili su predsjednik MZ Pećigrad Mirvet Beganović i predsjednik Građevinskog odbora Rasim Ahmetašević. Radi se o projektu čijim završetkom su obezbijedeni svi uslovi za normalno življenje, od puta, vode, električne energije, telefona i dr. Oni su u svojim uvodnim izlaganjima zahvalili mještanima, kao i velikom broju donatora i naravno općini Cazin na čelu sa općinskim načelnikom Nerminom OGREŠEVIĆEM, bez čije podrške ovaj projekat i ne bi bio završen.

Načelnik općine je u svom obraćanju čestitao građanima i izrazio svoje zadovoljstvo završetkom još jednog značajnog projekta, te naglasio da: "je u vremenu svjetske krize značajno da smo uspjeli završiti još jedan projekat i nastavljamo dalje. Ne tako davno, ovdje smo na zajedničkom sastanku rekli jedni drugima da, ako se zajednički potrudimo, možemo završiti ovaj projekat, a današnja svečanost to i svjedoči. Gdje god su naši građani pokazali želju i spremnost da zajedno radimo na poboljšanju uslova života imali su našu podršku, što će se nastaviti i ubuduće."

Prisutnima se također obratio i čestitao završetak projekta i predsjedavajući Skupštine USK-a Admir Hadžipašić, nakon čega su zaslužnima uručene zahvalnice za realizaciju ovog projekta.

Svečanim presijecanjem vrpce put su u funkciju pustili općinski načelnik Nermin OGREŠEVIĆ i najstariji mještаниn Ibrahim Ahmetašević.

Otvor puta u MZ Krivaja

Svečanim presijecanjem vrpce u MZ Krivaja - naselje Puškari, stavljen je u funkciju još jedan novoasfaltirani put dužine 1.050 m i vrijednosti oko 140.000,00 KM. Put su otvorili načelnik OGREŠEVIĆ i predsjednik Građevinskog odbora gospodin Muhamed Puškar zahvaljujući mještanima na inicijativi i učešću u realizaciji ovog, iznimno značajnog projekta.

"Ovo je dobar pokazatelj suradnje građana i



lokalne zajednice, koju ćemo i u narednom periodu graditi i unapređivati. U planu je realizacija velikog broja ovakvih i sličnih projekata na području naše općine, čiji je cilj podizati kvalitet života u našoj sredini", riječi su načelnika OGREŠEVIĆA koje je uputio okupljenim mještanima.

Ovaj put povezuje više naselja u MZ Krivaja, u čemu se i ogleda njegov prvobitan značaj. Kako ističu stanovnici naselja Puškari, "napokon su dočekali ljepše dane i bolje uslove života".



Realizacija novog projekta u MZ Polje

MZ Polje dobila je na upotrebu još jednu novoizgrađenu dionicu puta, čime je smanjen broj putnih pravaca za asfaltiranje u ovoj mjesnoj zajednici, a time i općini Cazin. "Ovo je jedan od pokazatelja da se 2009. godina neće razlikovati od prethodnih po broju i značaju realiziranih projekata", istaknuo je načelnik Ogrješević nakon upućenih čestitki mještanima ovog naselja.

Put u vrijednosti od 100.000,00 KM, dužine 565 m, realizirali su građani i općinske strukture u jednakom iznosu. "Zadovoljstvo 30 domaćinstava koji su ovim putem direktno spojeni na magistralnu cestu Cazin - Stijena, ispoljava se u njihovom razumijevanju i podršci općinskim organima", naglašava predsjednik Građevinskog odbora Husein Kličić.



Otvor puta u MZ Vrelo

Posljednja faza puta koji povezuje naselje Osredak-Vrelo sa magistralnim putem Bihać – Cazin - Velika Kladuša završena je presijecanjem vrpce od strane načelnika Ogrješevića. Važnost ovog puta ogleda se u činjenici njegove realizacije u vremenu globalne recesije, što je rezultat likvidnog poslovanja i realnog planiranja općine Cazin.

Povodom otvaranja puta dužine 1.305 m u vrijednosti od 230.000,00 KM, priredena je svečanost sa velikim brojem okupljenih mještana, upotpunjena tradicionalnom "obduljom" u kojoj su učestvovali mladi trkači do 15 godina starosti uz pripremljene odgovarajuće novčane nagrade.

Načelnik podržao projekat "Građanin" u OŠ "Gornja Koprivna"



U osnovnoj školi "Gornja Koprivna" već duže vrijeme djeluje sekcija pod nazivom Klub "Civitas", koja je u okviru projekta "Građanin" realizirala nekoliko uspješnih projekata. Civitas u Bosni i Hercegovini je nevladina organizacija osnovana 1996. god. čije uspostavljanje su inicirali Centar za građansko obrazovanje, Vijeće Evrope i Agencija za informisanje Sjedinjenih američkih država. Obrazovna mreža Civitasa u Bosni i Hercegovini formirana je kako bi promovisala demokratiju, ljudska prava i efikasno građanstvo. Mrežu čine volonteri iz cijele Bosne i Hercegovine koji rade na razvoju i implementaciji kvalitetnih obrazovnih programa, nastavnog materijala i programa za obuku nastavnika za predškolski uzrast, osnovno i srednje obrazovanje kao i nivo univerziteta na teritoriji cijele Bosne i Hercegovine.

U cilju nastavka implementacije aktivnosti na poboljšanju nastavnog ambijenta, najbolji učenici ove škole, ujedno i članovi navedene sekcije, posjetili su načelnika općine, predstavljajući osnovnu ideju ovog projekta kao i njegove rezultate u prethodnom periodu.

Voditelj projekta, nastavnik Hazim Hožić, naglasio je važnost učeničkog aktivizma i fokusiranosti na probleme u školi i okruženju. "Ovo su djeca koja svojim radom uče biti bolji građani i pomoći zajednici u kojoj žive", riječi su gospodina Hožića.

Projekat "Građanin"/"Ja građanin" učenicima pomaže da postanu odgovorni i informisani mladi ljudi koji kroje svoju budućnost i shvataju pojam i značaj brige i uključenja svih građana u rješavanje problema koji se tiču svih nas. Do sada su se u projekat uključili privatni poduzetnici, roditelji učenika, Mjesne zajednice, kao i sama općina. Načelnik Ogrješević je donirao određena sredstva u svrhu opremanja kabineta i izrazio spremnost da podrži svaki vid aktivnosti učenika na poboljšanju uslova školovanja i podizanja kvalitete obrazovnih programa.



Novo vatrogasno vozilo

Pomoćnik općinskog načelnika Službe za civilnu i protivpožarnu zaštitu Said Mujić i komandir vatrogasne jedinice Mehmed Glumac posjetili su firmu "Ziegler" u Zagrebu, koja će za potrebe Vatrogasne jedinice izvršiti nabavku novog vatrogasnog vozila.

Radovi na instaliranju opreme na šasiju vozila su u toku i nadležni su zadovoljni dinamikom radova na dogradnji specijalne opreme. Prema riječima odgovornih osoba iz navedene firme, isporuka vozila može se očekivati u planiranom roku, odnosno najkasnije u drugoj polovini mjeseca augusta.



Škola plivanja u općini Cazin

Sportski savez općine Cazin u suradnji sa Društvom pedagoga tjelesne kulture već drugu godinu zaredom organizira školu plivanja za učenike osnovnih škola. Jedinствена akcija ove vrste, jedina na području našeg kantona, organizira se i za djecu sa posebnim potrebama, čime se svakako želi doprinijeti njihovoj socijalizaciji.

U tu svrhu, načelnik Ogrješević, boravio je u posjeti polaznicima obuke prilikom čega je pozdravio akciju koja će našim školarcima omogućiti da ljepše, kvalitetnije i drugačije provedu svoje ljetne praznike. "Između ostalog, važno je da se u ovakve akcije uključuju i djeca sa posebnim potrebama, kako bi se pokazala istinska briga ove zajednice za sve kategorije njenih stanovnika", izjavio je načelnik Ogrješević.

Škola se organizira u periodu od tri sedmice i potpuno je besplatna za sve polaznike.



Načelnik na obilježavanju godišnjice bitke na Monte Meletti

Već duži niz godina austrijski "Crni križ" u suradnji sa "Udruženjem bosanskohercegovačko-austrijskog prijateljstva" i općinama Graz i Lebring 7. juni obilježava kao Dan pobjede austrougarske vojske nad italijanskom armijom u bici na Monte Meletti. Ove godine ceremoniji obilježavanja spomenutog događaja prisustvovao je i načelnik Ogřešević zajedno sa predstavnicima boračkih organizacija iz Cazina i USK.

U sastavima carske-austrougarske armije koja je dolazila iz BiH, zajedno su služili Bošnjaci, Hrvati i Srbi, kao i određen broj Jevreja. Od četiri regimente koje su osnovane na području BiH (kasnije ih je bilo mnogo više), posebna pažnja posvećuje se drugoj bosanskohercegovačkoj regimenti (poznatijoj kao Bošnjačka regimenta), čiji je domicil u austrougarskoj vojsci bila Banja Luka. Ova regimenta je nosilac 42 zlatne medalje, odlikovanja najvišeg ranga austrougarske vojske. Svoj najveći uspjeh Druga bh. regimenta doživjela je u pobjedi nad italijanskom armijom u bici na Monte Meletti, koja se odigrala 7. juna 1916. godine.



Obilježavanje sjećanja na ovaj događaj otpočelo je još 1917. godine, samo godinu dana nakon osvajanja brda Monte Meletta i održava se i danas. Ovaj susret je prilika za osvjetljavanje pozitivnog trenda razvoja ideje bošnjaštva, čime se, zapravo, treba otvoriti put dalje evropeizacije bošnjaštva i BiH kroz kontakte sa demokratskim snagama Evrope. Jedna od njih je, svakako, i Austrija. Zemlja koja je igrom historijskih događaja postala čuvateljem jednog, na smrt osuđenog, kulturnog i nacionalnog identiteta. Identiteta čiji su korijeni od Benjamina Kalaja propagirani kao pacifistički, korijeni koji su stremili zajedništvu svih naroda i narodnosti na teritoriji BiH.

“Zahvaljujući ovom tihom, skoro nezapaženom njegovanju bošnjačke vojne tradicije, ostalo je budno i ovo sjećanje na hrabre, ali i na multikulturalizam, multireligioznost i humanost samog bošnjaštva. Zahvaljujemo austrijskoj vojnoj tradiciji koja je tokom svih ovih godina čuvala ovu ideju na kojoj su se godinama gradili dobri odnosi između BiH i Austrije”, riječi su načelnika Ogřeševića koje je uputio organizatorima obilježavanja ovog događaja. Gospodin Ogřešević je iskoristio ovu priliku i za susret sa bošnjačkom dijasporom u Grazu.



Nova šalter sala općine Cazin

Presijecanjem vrpce, 23. juna 2009. godine, svečano je pušten u rad novoopremljeni Centar za pružanje usluga građanima, realiziran u okviru GAP projekta, tj. Projekta upravnog odgovornosti u BiH, finansiranog i podržanog od Američke agencije za međunarodni razvoj, Švedske agencije za koordinaciju međunarodnog razvoja i Ambasade Kraljevine Nizozemske. Donatori su u ovaj projekat uložili 180.000,00 KM sredstava namijenjenih za tehničku opremu, a općina Cazin je za cjelokupnu koncepciju, projektovanje, dizajn, enterijer i građevinske radove izdvojila skoro 600.000,00 KM, čime se osigurala uredenost ovog centra po



bržu, efikasniju, jednostavniju i kvalitetniju uslugu. Sve to znači da smo instituciju građanina stavili na prvo mjesto i vodili projekat u tom pravcu. Rezultat se ogleda u kvalitetnom obezbjeđenju resursa i realnom planiranju finansiranja preuzetih obaveza. To govori da imamo snagu i znanje, raspoložemo kvalitetnim ljudima i planovima i spremni smo nastaviti jačim i intenzivnijim tempom”, istaknuo je načelnik Ogrješević u svom uvodnom obraćanju.

evropskim zahtjevima “one-stop-shop”, tj. sistema pružanja usluge po principu “sve na jednom mjestu”. U službu građanima, u okviru nove šalter sale uspostavljen je i šalter banke, koji će služiti svrsi operativnijeg rada i usluživanja građana.

Otvaranjem ovog centra, općinske usluge reorganiziraće se na način da se poboljša efikasnost u radu i da se osigura pravovremen odgovor na pitanja građana naše općine. Za poslovne ljude od posebnog interesa je poboljšanje procedura registracije poslovnih subjekata i izdavanja lokacijskih, građevinskih i upotrebničkih dozvola. Najznačajnije od svega jeste pojačana informiranost naših sugrađana o svim projektima, planovima, ali i pravima koja mogu ostvariti putem organa uprave.

“Važnost centra koji danas otvaramo je u njegovoj prvobitnoj namjeni, u težnji da građanima naše općine omogućimo lakše ostvarivanje svojih prava, da im pružimo





Prema riječima koordinatora GAP projekta gospodina Hamdije Ljubijankića, u okviru ovog programa čekaju nas i druge, mnogobrojne, obaveze koje smo preuzeli Memorandumom o razumijevanju, "ali i pored toga težimo ka tome da sve ono što znači napredak i izgradnju sistema bude ustvari naše opredjeljenje i naš krajnji cilj", naglasio je gospodin Ljubijankić.

Na zadovoljstvo velikog broja građana, okupljenih oko zajedničke programske vizije razvoja ove



općine, realiziran je projekat od velikog značaja za rad organa uprave. Direktor GAP-a BiH gospodin Dana Fray izrazio je veliko zadovoljstvo zbog uspješno realiziranog projekta i iskreno čestitao na dobroj suradnji, kreativnom i napornom radu ljudi uključenih u ovaj projekat iz općine Cazin.



Radionica

“Kartiranje poplava, istraživanje potencijalnih rizika i izrada koncepta mjera”

Radionica na temu “Kartiranje poplava, istraživanje potencijalnih rizika i izrada koncepta mjera” održana je 1. jula 2009. godine u Bihaću, hotel “Park” (velika sala) sa početkom u 10 sati pod pokroviteljstvom Švicarske agencije za razvoj i saradnju (SDC), a u organizaciji Udruženja za zaštitu i unapređenje čovjekove okoline „Una-Sana” Bihać.

Ciljevi radionice su:

Sagledati postojeće stanje (značaj i potrebe) u sektoru zaštite od djelovanja velikih voda u slivu rijeke Une sa analizom prirodnih karakteristika i institucionalne organizacije (financiranje, podjela nadležnosti, zakonski okvir).

Upoznati se sa suvremenim iskustvima iz Švicarske u organizaciji sektora uz razmatranje mogućnosti primjene pojedinih rješenja u slivu rijeke Une.

Upoznati ciljeve i metodologiju izrade karata opas-

nosti od velikih voda, te se fokusirati na bolje razumijevanje potencijalnih koristi.

Predložiti naredne aktivnosti koje imaju za cilj poboljšanje postojeće situacije i organizacije u sektoru.



Na radionici su učestvovali i predstavnici švicarske firme Fröhlich Wasserbau AG koji su prezentirali organizaciju ovoga sektora u Švicarskoj, metodologiju izrade karata opasnosti od poplava, kao i svoje prijedloge za poboljšanja u sektoru voda, na vodotocima i plavnim područjima u slivu rijeke Une.

Kartiranje opasnosti od poplava, u osnovi, predstavlja izradu karata sa označenim plavnim površinama, tj. onim površinama koje su izložene djelovanju oborinskih i izljevnih voda. Osim toga, kartiranjem se za ova izložena područja predlažu i rješenja u vidu izrade nasipa, regulacija i drugih odbrambenih mehanizama od naleta velikih plavnih voda.

Važnost fokusiranja na ovu oblast u sektoru komunalnih djelatnosti leži u činjenici da će sredstva IPA fondova u budućnosti biti okrenuta upravo ovoj oblasti, pa je stoga neophodno vršiti potrebnu edukaciju i pripreme za predstojeće projektne aplikacije.



Pilot projekat reciklaže



JKP "Čistoća" Cazin već godinu dana radi na pilot projektu prikupljanja i recikliranja krutog otpada (plastika, PET ambalaža i staklo). Otpad se selektira na prostoru urednog "eko-otoka", čime se stvaraju preduslovi za ekološko upravljanje otpadom prema standardima EU. Rezultat ovog projekta je smanjena količina otpada na deponiji, uredniji okoliš, kao i stvaranje profita od prodaje istog, prerađenog i sortirano otpada.

Prikupljanje papirnog otpada

U okviru projekta Češke razvojne agencije, kojeg tehnički podržava češka firma "GeoTest Brno", JKP "Čistoća" je pokrenula projekat prikupljanja i odvajanja papira. Postupak se završava presovanjem i daljom prodajom u kojoj se papir ponovo prerađuje. U sklopu ovog projekta održano je takmičenje u osnovnim i srednjim školama koje se odnosilo na prikupljanje papira i pet ambalaže, čime se doprinijelo podizanju svijesti o neophodnosti čuvanja okoliša i kod mladih generacija. Prva tri mjesta pripala su OŠ "Šturlić", zatim OŠ "Stijena" i OŠ "Liskovac".

Rezultati mjeseca čistoće u općini Cazin

Mjesec april se već tradicionalno u općini Cazin odvija u znaku mnogobrojnih aktivnosti na podizanju svijesti građana o očuvanju zdravije i čistije okoline. Najvažnije aktivnosti koje provodi JKP "Čistoća" ogledaju se u lociranju divljih deponija, uklanjanju istih, kao i u njihovoj sanaciji. Pored toga, organiziraju se raznovrsni eko-kvizovi i obuke u osnovnim i srednjim školama s ciljem kvalitetnijeg učešća građana u projektima i akcijama od općeg interesa, kada je u pitanju naša okolina. Ove godine je, uz pomoć i suradnju naših sugrađana, uklonjeno 37 divljih deponija, a u cilju daljeg sprečavanja ovih "malicioznih pojava" javno komunalno preduzeće radi na uvođenju novih linija, kao i na postavljanju kontejnera na mjestima u kojima nije moguće uvesti redovne linije zbog tehničke kategorizacije puta i neprilagođenih uslova pristupa.

PREZENTACIJA

“Prečišćavanje otpadnih voda biološkom metodom”

Regionalna razvojna agencija ARDA NW u suradnji sa nevladinom organizacijom Centar za održivi razvoj “Una” i partnerskom italijanskom organizacijom “Legambiente” dana 30.06.2009. godine u Bihaću održala je prezentaciju pod nazivom “Prečišćavanje otpadnih voda biološkom metodom”, koju je vodila gospođa Beatrice Pucci, iskusni konsultant iz oblasti zaštite okoliša u Regiji Toscana, Italija.


Cilj prezentacije bio je informirati sve zainteresirane koji se bave sektorom zaštite okoliša o mogućnostima prečišćavanja otpadnih voda na ekološki prihvatljiv način, a koji istovremeno ne uništava prirodni krajolik. U skladu sa navedenim, predstavljeno je nekoliko ovakvih sistema koji postoje i u većim europskim gradovima, odnosno u gradskim parkovima.

Načini tretmana otpadnih voda koji su bili prezentirani su također pogodni i prihvatljivi za projekte IPA-e II komponenta Prekogranična suradnja iz Programa BiH – Hrvatska. U kontekstu navedenog, na prezentaciju su bili pozvani i predstavnici susjednih općina iz Republike Hrvatske.

Prezentacija je organizirana za potrebe općinskih i kantonalnih uposlenika u sektoru prostornog planiranja i zaštite okoliša, te nevladinih organizacija i udruženja koja djeluju u ovom sektoru.

Biljni uređaji, u principu, pročišćavaju sve otpadne vode, a najviše se upotrebljavaju za:

- pročišćavanje komunalnih otpadnih voda manjih naselja do 1000 ES (1000 stanovnika), skupina kuća, farmi, turističkih naselja, kampova
- pojedinačna kućanstva kojima je priključak na kanalizacijsku mrežu udaljen
- procjedne vode iz deponija smeća i druge vode koje sadrže otrovne tvari
- otpadne vode sa autoputova
- tercijarno pročišćavanje kod postojećih uređaja
- zaštitu izvora pitke vode, podzemnih voda i jezera
- pročišćavanje obojenih otpadnih voda iz tekstilne i prehrambene industrije
- kondicioniranje vode za piće...





Prednosti pročišćavanja otpadnih voda biljnim uređajima su:

- relativno niska cijena izgradnje sustava, u odnosu na troškove izgradnje konvencionalnih uređaja
- visoki stupanj pročišćavanja
- održavanje uređaja je jednostavno i jeftino
- za njihov rad nisu potrebni niti energija, niti strojarska oprema
- korištenje prirodnih materijala i autohtonog bilja
- uređaj se idealno uklapa u okoliš
- nema neugodnih mirisa, niti insekata
- pročišćena voda se može ponovno upotrijebiti...

Prečišćavanje biološkom metodom spada u domen nekonvencionalnih tehnologija pročišćavanja otpadnih voda. Kod ovog načina pročišćavanja ne postoji potreba za izgradnjom robusnih građevina, već se pročišćavanje odvija u tzv. "umjetnim močvarama". Ove "umjetne močvare" kao tehnologiju pročišćavanja koriste isključivo prirodne materijale kao što su pijesak, šljunak, razne biljke i sl. prema načinu radnje dijele se na prečistače sa:

- horizontalnim tokom otpadne vode
- vertikalnim tokom otpadne vode
- slobodnim tokom
- hibridne sisteme (kombinacija gore navedenih)

Osnovni im je nedostatak u odnosu na konvencionalne prečistače potreba za velikim površinama neophodnim za izgradnju ovakvih sistema.

FILMSKO-KNJIŽEVNI KARAVAN

Za sve ljubitelje pisane riječi i kratkog filma, općina Cazin je u suorganizaciji sa Domom kulture priredila književno-satirično-humorističko veče Sabahudina Hadžialića i Ratka Orozovića.

Sabahudin Hadžialić rođen je 23.9.1960. u Mostaru. Trenutno živi i radi u Sarajevu. Diplomirani je žurnal-ist i član Društva pisaca BiH od 2003. godine. Napisao je mnogobrojna djela, među kojim su nagrađivane knjige poezije, objavljujane u BiH, ali i van njenih granica ("Amanet", "Testament", "Šapat u tami", "Prosjaci uma" i mnoge druge). Pisac je i mnogobrojnih aforizama, peckativa i satiričnih drama. Urednik je i recenzent preko 15 djela poezije i proze.

Ratko Orozović rođen je u Sarajevu 25.2.1944. godine, gdje je završio i Filozofski fakultet. Društvenu aktivnost počinje već u Trećoj gimnaziji i jedan je od os-



nivača gradskog filmskog kluba "Riječ mladih". Jedan je od osnivača filmskog časopisa "Sineast", kao i njegov urednik. Bio je član savjeta časopisa "Lice", dopisnik "Mladosti", pozorišni kritičar "Borbe", "Večernjih novina" i "Jutarnjih novina", "Sna", "Dnevnog avaza", a sada je urednik "Bosanske vile". Član je Udruženja novinara BiH i Udruženja filmskih radnika BiH. Aktivni je član Kruga 99. Pri Kantonu ima status samostalnog umjetnika, a član je i Komisije za izbor



samostalnih umjetnika u Kantonu. Svoj filmski debi ostvario je 1974. godine, dokumentarnim filmovima "Uz druga je drug" i "Lj-ubiti". Scenarista je dva igrana filma "Vanbračna putovanja", "Bračna putovanja", preko 50 scenarija za kratke filmove i mnoge televizijske emisije, dječiju seriju "Svako petka iz početka" i tri radio drame.

Večer je otvorila mlada pjesnikinja i naša sugradanka Semira Hadžić, učenica I Srednje škole Cazin, svojim prvijencem "Boje ljubavi", u čiju čast je kao promotor i recenzent govorio upravo naš gost, književnik i freelance novinar Sabahudin Hadžialić, opisujući njeno djelo kao "Boje ljubavi" ili "lijek u bojama" i naša Semira kao *conditio sine qua non* jedne obogaljene generacije novijeg vremena. Ovim činom su gosti htjeli dati svoj doprinos mladoj generaciji pisaca i učiniti našu Semiru hrabrijom za pero.

Uz prikazivanje nagrađenih, u međunarodnim kategorijama, kratkih filmova Ratka Orozovića i pjesama uvrštenih u bh. antologije i antologije van Bosne i Hercegovine Sabahudina Hadžialića, književnici su govorili vlastite satirične tekstove, pjesme i aforizme uvrštene u bh. i balkanske antologije. Ova turneja upriličena je povodom obilježavanja 45 godina umjetničkog rada Ratka Orozovića u filmskoj umjetnosti i književnosti, kao i 30 godina književnosti i novinarskog rada Sabahudina Hadžialića. Pored obilježavanja godišnjica, predstavljena je i nova knjige aforizama, crtica i satiričnih drama "Abecedna azbuka" Sabahudina Hadžialića i reprint izdanja aforizama i pjesama "Od života sramota" Ratka Orozovića.

Dan rijeke Une

U organizaciji općina Cazin i Bihać, te Ekološke koalicije uskog sliva EKUS, a u okviru Projekta dobre uprave u oblasti voda i zaštite okoliša GOV-WADE kojeg podržava Švicarska agencija za razvoj i suradnju - SDC, 23.5.2009. je na prigodan način obilježen Dan rijeke Une, 17.maj.

U okviru obilježavanja Dana rijeke Une, učesnici su se čamcima spustili niz rijeku Unu na relaciji Kostela – Srbljani. Okupljenim učesnicima i gostima obratila se direktorica EKUS-a Vildana Alibabić, načelnik općine Cazin Nermin Ogršević i, u ime načelnika općine Bihać, savjetnik načelnika. Tom prilikom je istaknuto da je generalni cilj manifestacije u povodu Dana rijeke Une podizanje svijesti građana o značaju životne sredine, te promocija dobre prakse u zaštiti životne sredine koje su prisutne u općinama Cazin i Bihać. Također je istaknuto da ova manifestacija ima ulogu da privuče pažnju lokalnih i državnih medija na aktivnostima koje se žele promovirati u ovoj oblasti.



Proslava Dana Gimnazije Cazin

Povodom 30. aprila koji se u cazinskoj Gimnaziji obilježava kao Dan škole, učenici i profesori ove obrazovne institucije priredili su prigodan kulturno-zabavni program za goste i roditelje. Poseban značaj ove manifestacije jeste njeno prvo obilježavanje u novoj zgradi Gimnazije, koja je i ovom prilikom pokazala svu ljepotu i vrijednost uloženeog truda u njenu izgradnju. Kako je naglasio u uvodnom govoru direktor Gimnazije Muhamed Mehmedović, rezultati realizacije nove zgrade Gimnazije su već nakon nekoliko mjeseci vidljivi, a u narednom periodu će se intenzivirati kvaliteta i kvantitet obrazovnog sistema koji se odvija u ovoj instituciji.

Među prisutnima bio je i načelnik općine gospodin Ogršević koji je u svom kraćem obraćanju čestitao godišnjicu svim učenicima i profesorima, ističući značaj izgradnje obrazovnih institucija u našoj općini, što će biti jedan od prioriteta rada aktuelne vlasti i u narednom periodu. “Nakon što smo obezbijedili europske uslove školovanja našim gimnazijalcima, na redu su i druge škole u našoj općini, od kojih posebno izdvajamo Srednjoškolski centar i Osnovnu školu ‘Cazin I’. Svim učenicima želim mnogo uspjeha u daljem školovanju, a nastavnicima puno sreće u radu”, riječi su načelnika Ogrševića.

Obilježavanje Dana JU I Srednje škole Cazin

Dan škole ove ustanove tradicionalno je obilježen prigodnim programom kojem su prisustvovali profesori, učenici i mnogobrojni roditelji. Svečanosti obilježavanja ovog datuma pridružio se i načelnik Ogršević.

Direktor škole gospodin Enes Šarić pozdravio je sve prisutne prigodnim govorom u kojem se osvrnuo na historijski nastanak ove institucije i otvorio pripremljeni kulturno-umjetnički program.

Memorijalni kulturno-sportski program u Gornjoj Koprivni

U petak, 26.6.2009. godine, u večernjim satima svečano je obilježeno sjećanje na Salihu Omerčevića, majora Armije RBiH. Ovom kulturno-sportskom programu prisustvovao je i načelnik općine Cazin Nermin Ogršević. Pored načelnika, među prisutnim su bili i predsjedavajući Skupštine USK Admir Hadžipašić, predstavnici susjednih mjesnih zajednica, kao i Udruženja "Koprivna", koji su ujedno i organizatori ove manifestacije. Svim prisutnima obratio se načelnik Ogršević, koji je i otvorio memorijalni događaj.

Načelnik je ovom prilikom istaknuo da treba da se na prigodan način prisjećamo ljudi koji su dali svoj život za naš kraj i našu domovinu. "Najbolji način je upravo da se njegovanjem kulturne tradicije sjetimo ljudi koji su se žrtvovali za očuvanje iste. Time ćemo dokazati da njihova borba nije bila uzaludna", riječi su načelnika Ogrševića. Poslije tih riječi, svečano je otvorena manifestacija "Salih Omerčević 1993-2009." uz nastupe kulturno-umjetničkih društava i već tradicionalni memorijalni malonogometni turnir.



Ibrica Jusić u Cazinu

Dubrovački muzički zaštitni znak i svakako jedan od značajnijih izvođača i autora hrvatske muzičke scene zamijenio je svoju prepoznatljivu dubrovačku lokaciju - skaline, pozornicom Doma kulture u Cazinu. Naime, ovaj "dubrovački slavuj", održao je koncert u našem gradu 15.5.2009. godine. Koncert je upriličen kao dio bosanskohercegovačke turneje povodom obilježavanja velikog jubileja - 45 godina Ibričinog umjetničkog rada.

Njegov je muzički izraz mješavina francuskog, talijanskog, hrvatskog i bosanskog uticaja. S obzirom na bogatstvo i raznovrsnost njegova stvaralaštva, koncerti nose prigodan naziv "Od Šekspira do sevdaha". Program koncerta predstavljao je presjek njegovog sveukupnog umjetničkog rada, od songova izvedenih na "Dubrovačkim ljetnim igrama", pjesama sa dubrovačkih skalina, šansona, prepjeva slavnog Leonarda Cohena, pa sve do sevdaha.

Matični ured općine Cazin

U prvih šest mjeseci ove godine broj izdanih Izvoda iz matične knjige rođenih Matičnog ureda u općini Cazin iznosi 8.897, dok je broj izdanih Uvjerenja o državljanstvu 3.777. Novorođenih beba na području naše općine u prvoj polovini tekuće godine je evidentirano 108 prema Izvještaju o upisu u matičnu knjigu rođenih, a broj umrlih prema Izvještaju o smrtonovicama iznosi 132. Ovdje je važno naglasiti da se porodaji odnedavno odvijaju u kantonalnoj bolnici u Bihaću zbog ukidanja porodilišta u Domu zdravlja Cazin pa se upis u matičnu knjigu rođenih odvija u Matičnom uredu Bihać, čime smo uskraćeni za informaciju o tačnom broju rođenih beba na području općine Cazin. Međutim, evidentno je da se općina Cazin još uvijek može pohvaliti pozitivnim prirodnim priraštajem. Prema informacijama koje smo dobili iz Centra za socijalni rad (zbog naknada koje ova institucija isplaćuje majkama porodiljama), samo u protekla 3 mjeseca rođeno je 212 beba sa područja naše općine.

Cazinske igre bez granica

I ove godine, u okviru obilježavanja Dana općine, Sportski savez organizira, treće po redu, Cazinske igre bez granica koje će se odigrati 2.8.2009. godine sa početkom u 20.00 sati na igralištu Osnovne škole "Cazin I". Kao i prethodnih godina, za najuspješnije takmičare predviđene su novčane nagrade i bogat zabavno-sportski sadržaj. Jedinstvena manifestacija ovog karaktera na području našeg kantona svake godine privlači i veliki broj posjetilaca iz susjednih općina, ali i iz naše dijas-pore. Ove godine, manifestacija će biti organizirana na većem nivou, pa se nadamo da će privući i Vašu pažnju.

Noć sevdaha u općini Cazin

Završnica manifestacije Dan općine Cazin, biće obilježena koncertom Damir Imamović Trija, koji će gostovati u našem Domu kulture 8.8.2009. godine. Koncert tzv. fusion sevdaha rezultat je nastojanja općinskog načelnika da obogati program kulturnih dešavanja u općini Cazin. Zbog velike popularnosti benda i njihovog jedinstvenog pristupa muzičkom izričaju ovog žanra, koncert se organizira besplatno za sve posjetioce.

Proslava Dana II Srednje škole Cazin

Devetu godinu zaredom, II Srednja škola obilježava Dan osnivanja. Kulturno-sportski program pripremljen za Dan škole započeo je uličnom trkom učenika ove škole. Prigodnim riječima i čestitkama, učenicima i nastavnicima ove škole, obratio se načelnik općine Cazin gospodin Nermin Ogrješević kao pokrovitelj ove manifestacije, a zatim je proglasio utrku otvorenom. Manifestaciji priređenoj za veliki broj učenika i roditelja, prethodila je sjednica Nastavno-naučnog vijeća, a na kraju je pripremljena i zakuska za posjetioce i zvance. U okviru ove manifestacije održano je i finale školskog nogometnog turnira, koje je rezultiralo podjelom odgovarajućih nagrada i medalja za najuspješnije ekipe i pojedince.



Državno kadetsko prvenstvo u rukometu

Ove godine općina Cazin bila je domaćin završnice kadetskog prvenstva u rukometu. Nakon ligaškog dijela takmičenja, devet ekipa plasiralo se u završnicu ovog takmičenja koje se odigravalo od 19. do 21. juna 2009. godine u sportskoj dvorani općine Cazin. Za najboljeg strijelca ovog takmičenja proglašen je Dejan Malinović iz ŠR "Cepelin" Banja Luka, najbolji golman prvenstva je Aladin Orlić iz RK "Krajina INGPLAST" Cazin, najbolji igrač Mirko Herceg iz pobjedničkog tima RA "Izviđač" iz Ljubuškog, dok je za fair play ekipu proglašen RK "Sloga" Gornji Vakuf/Uskoplje. "Mi smo ponudili najpovoljnije uslove organizacije završnice državnog prvenstva. Tu, prije svega, mislim na nagrade, odnosno medalje i smještaj svih sedam ekipa koje su boravile u Czinu. Naš rukometni klub 'Krajina' okončao je takmičenje kao posljednji u konačnom poretku, ali moram istaći da je u Czinu rukomet tek u ekspanziji, tako da se u budućnosti nadamo boljim rezultatima", izjavio je Nermin Kljajić, predsjednik Skupštine RK "Krajina" Cazin, nakon završetka prvenstva.

Humana akcija na području općine Cazin

Sportski savez općine Cazin i udruženje "I naša djecu su djeca" su već drugu godinu zaredom proveli akciju organiziranja ljetnog odmora za djecu sa posebnim potrebama. Pokrovitelji ove humane akcije su Općina Cazin i udruženje "Srce Cazina", koji su željeli da se ova djeca osjećaju kao ravnopravni članovi naše društvene zajednice. Djeca su bila smještena sedam dana u specijalnom hotelu prilagođenom za osobe sa posebnim potrebama u Zaostrogu. Ovakve i slične aktivnosti koje se provode na nivou udruženja i općine imaju za cilj poboljšanje socijalne inkluzije ove kategorije stanovništva.

VII Program dešavanja u okviru obilježavanja Dana općine Cazin:

25.07.

14^{oo} Trening - Auto trka za šampionat Evrope, Hrvatske i Bosne i Hercegovine na brdskim stazama „Cazin 2009“ - Hotel Sedra - Ostrožac

26.07.

14^{oo} Auto trka za šampionat Evrope, Hrvatske i Bosne i Hercegovine na brdskim stazama „Cazin 2009“ - Hotel Sedra - Ostrožac

27.07 - 31.07.

19^{oo} - 23^{oo} Sportske igre 2009 (niz sportskih takmičenja u organizaciji Sportskog saveza općine Cazin na SRC Alinac)

31.07.

18³⁰ Otvorenje izložbe slika, crteža i grafika Seada Emrića - galerija Doma Kulture

19^{oo} Svečana sjednica OV-a /sala Doma kulture/

19³⁰ Promocija knjige Saliha Agića „Bosanska tradicionalna kuhinja“

20^{oo} Noć šampiona - večer boksa- stari grad Ostrožac

01.08.

17^{oo} Promocija knjige Muhameda Mahmutovića „Pokošeni cvjetovi Krajine“ Dom kulture Cazin

19^{oo} Smotra folklora Cazinske krajine – Alinac

02.08.

19³⁰ „Cazinske igre bez granica“ sportsko-zabavna manifestacija - Igralište osnovne škole „Cazin I“

06.08.

19^{oo} „Pečat slobodi“ Dan općine Cazin i godišnjica deblokade USK-a –Tr. Raštela

08.08.

18^{oo} Obilježavanje godišnjice oslobađanja MZ Šturlić - Šturlić

20^{oo} Koncert „ Damir Imamović Trio“- koncert tzv.fusion sevdaha-Dom kulture Cazin





S obzirom na veliki broj upita, kao i podnesenih zahtjeva u vezi sa inspeksijskim nadzorom, neophodno je da i na ovaj način pobliže objasnimo stanje u ovoj oblasti. Tim prije, zbog mnogih nejasnoća u pogledu nadležnosti lokalne zajednice u ovoj oblasti, kao i zbog pratećih problema za postojeće inspeksijske službe.

Naime i pored činjenice da se praktično svi problemi i potrebe za inspeksijskim nadzorom po raznim pitanjima i oblastima nalaze na lokalnoj razini, prema postojećoj i važećoj zakonskoj regulativi u FBiH i USK-a na lokalnoj razini i na području općine Cazin trenutno se nalaze građevinska i komunalna inspekcija, kao i komunalni redari.

S obzirom na opise poslova i nadležnosti mogli bismo reći da je širok opus djelovanja ovih inspekcija, međutim da bi slika bila cjelovita kada je u pitanju općina Cazin moramo iznijeti nekoliko činjenica. Prije svega, kada je u pitanju komunalna

inspekcija sistematizovana su 2 radna mjesta i 4 za komunalne redare i sve pozicije su u potpunosti i stručno popunjene. Komunalna inspekcija je već duži period zastupljena i djeluje, dok su komunalni redari počeli sa radom 2005 godine. Analizirajući rad ovih inspekcija, vidjet ćemo da se radi o velikom broju izlazaka, kako u okviru redovnih pregleda, tako i odgovarajući na veliki broj zahtjeva od strane građana, fizičkih i pravnih lica i dr., veliki broj donesenih rješenja, podnesenih prijavi itd. S ciljem veće efikasnosti u ljetnom periodu uvodi se rad u dvije smjene i naravno da će se i dalje nastojati unaprijediti rad kako komunalne inspekcije, tako i komunalnih redara i u tom kontekstu spremni smo prihvatiti i razmotriti i prijedloge građana koji će ići u pravcu unapređenja kvaliteta rada ovih službi.

Na žalost, kada je u pitanju građevinska inspekcija stanje je daleko od zadovoljavajućeg. Sama činjenica da od 2 sistematizovana radna mjesta građevinskih inspektora, već duže od dvije godine oba radna mjesta su nepopunjena. Nefleksibilnost i krutost zakonske regulative doveli su do toga da su i nakon tri raspisana konkursa i sprovedene procedure ove pozicije i dalje ostale ne popunjene uz napomenu da cjelokupan proces konkursne procedure vodi Agencija za državnu službu FBiH, kao i da isti traju i po nekoliko mjeseci. Sa druge strane, ograničena je zakonska mogućnost za ovlašćivanje drugih osoba koje bi sprovodile inspeksijski nadzor, kao i nedostatak stručnog kadra. Moramo napomenuti da su pored općih uslova neophodni i VSS prema građevinskog ili arhitektonskog smjera uz neophodne 3 godine radnog iskustva u struci. S obzirom na opći nedostatak obrazovanih kadrova sa dugogodišnjim iskustvom, razumljivo je da se mali broj njih odlučuje na angažman u državnoj službi, jer su uslovi u privatnom sektoru daleko povoljniji, barem kada je u pitanju finansijska strana ovog posla.

U praktičnom smislu, za inspeksijsko djelovanje ostaje kantonalna građevinska inspekcija, koja što zbog nedostatka kadra, što zbog velikog broja zahtjeva najčešće nije u mogućnosti da odgovori na veliki broj istih.

Nadati se da će u skorije vrijeme zakonodavac uvažiti mnoge zahtjeve i prijedloge za izmjenu zakonske regulative u ovoj oblasti, čime bi se stvorile pretpostavke za fleksibilniji, brži i efikasniji način popune ovih pozicija sa stručnim i odgovarajućim kadrom.



Tehnički podaci

Izdavač: Općina Cazin

Urednik: Irma Alićajić, dipl.pol.

Autorski tim:

Alisa Tatarević, dipl.žur. (RTV Cazin)

Adisa Muhamedagić (RTV Cazin)

Irma Alićajić, dipl.pol. (Općina Cazin)

Hamdija Ljubijankić, prof. (Općina Cazin)

Hafeza Begić, dipl.ing.arh. (JP Komunalno-stambeni fond Cazin)

Mirhad Pjanić, dipl.ing.maš. (JP "Vodovod" Cazin)

Kontakt: opcina.bilten@gmail.com

Lektor: EVRON d.o.o. Banjaluka

Dizajn: EVRON d.o.o. Banjaluka

Štampa: GRAFIS DOO Cazin